



10238



知己之難也。或知其人未必知其文，或知其文未必知其詩。如飲醇酒，量盡而止；如游名山，足倦而罷。而蛾眉之嫉，妄肆詆嫫者，又有甚焉。少陵云：王楊盧駱當時體，輕薄爲人哂。未休昌黎云：知音自古稱難遇，世俗乍見那妨哂。信乎知己之難也。余與關西締好，殆非一世憶昔秋屏芝田兩先生，固知我者。余嘗序其詩文矣。秋屏公子爲雪度先生相繼知我，逮若游方平笠乘昆季於秋屏公爲孫，又知我詩甚矣。以余之謏陋辱其三世交，契可謂幸矣。安見知己之難哉？而余自顧迂愚泊然，世味年來老嬾益甚。凡詩若文都廢閣，不省視。知己即不我棄，亦不堪爲人之知己矣。若游供奉內廷方平遠宦邊微踪跡，故疎闊獨笠乘鍵戶，東臯磨研兀兀。余偶過園亭杯酒之暇，輒相與評質風騷參校。今古灑然無少年裙屐氣，觀其制義亦汪洋怪變，有不可一世之概。然吾猶以爲知其人，知其文而未知其詩也。及讀其古近體詩，出入潮陽草堂之圃，奧而王溪奉禮爲之後，先綠波紅艷，濯其色椒橙烹茗，畜其味氣。則秋濤夜走骨則晴峰曉青，當此綺年所就，已卓卓如是何患海內無知己哉？何病於紛紛輕薄嫉余之蛾眉者哉？余老矣，非敢自附知己，謂能知其人，知其文，且知其詩也。特有感於三世交契，而慶秋屏先生之後人，代多作者，又將爲笠乘屈一指也。東郊老友胡香吳序。

笑航詩禪卷一

禁餘隱休錄序

一

芙航詩禰卷一

武進 楊士凝 笠乘

焚餘晒休錄

余性喜韻言經師恐妨舉業禁勿令學竊取古詩  
讀之雖不盡解然胸中勃勃不能自己每境與情  
會輒有所作作已輒慚慚過復作積歲焚棄什之  
七八甲申迄庚寅僅錄如干首彙爲一卷詩不足  
存聊志少時緣起云爾

甲申

西陽山

幼居西陽村覽此西陽勝晴巒呈曉妝晚唱奏遠聽朶

芙航詩禰卷一

焚餘晒休錄

一

朶沈濕雲盤盤露曲徑嵌空挂層崖過險搭危磴洞口

禮法王妄許宿因證

山之勝曰清水洞中有大士像先王母馮淑人所塑也

一瓊清水泉冷

冷雜鐘磬村煙起林末山鳥飛不定九峰峙東隅腰脊  
遞綿巨勢雄兩迴環結構故相稱我來登其巔兒嬉一  
筭輿放眼笠澤湖氣象幻朝暝豈無蛟龍蟠會有風雨  
應慨彼鑿石工微利必取罄產石以自戕頑鈍亦弗賡  
道人住山中山色添秀孕茆屋三兩間秫田八九稜借  
作讀書山敢用一語訂愚衷鑿山靈酌酒互酬贈

秋夜泛舟玩月

溪山真本千層現天地秋光一片鎔爲是不諳滄海路  
洗清眸子識蛟龍

寒鴉

危巢霜重慘曉烏凍羽遮風哺瘦雛也識前林棲宿穩  
不知能借一枝無

乙酉

早秋寄大兄若游四首

帝城消息比如何道路三千夢裏過一種蕭蕭秋氣冷  
雁書稀少雁聲多

才充香案待金門姓氏傳呼近

至尊聞道曲江開宴

早南薰簪筆倍承恩

禁書南薰殿

晚涼風露著衣寒針綫應知措手難堂上封書重疊至  
好藥秋爽勸加餐

笑航詩韻卷一

其餘晒休錄

二

漂泊彭城憶二蘇當時四海未爲孤道遙堂後風和雨  
此景依稀記得無

集楚楚閣花下次胡莘莊先生韻寄懷大兄

花謝餘香遠風微落葉輕鳥飛枝未定魚躍浪難平把  
殘酬朋侶窺園憶弟兄不知鄉夢遠缺月幾回盈

丙戌

晚春閒居次長慶集韻

三月春光未許賒滿簾風急燕飛斜愁堪敵懶難忘酒  
詩要分香合借花一枕黑甜佳客夢半甌清苦侍兒茶  
夕陽冷挂門前柳不問春歸第幾家

題義山詩後

一變徐陵體西崑別有情翠衾無限憶錦瑟不平鳴綵  
筆傳花葉叢蘭疊楚聲六朝金粉盡惟讓王溪生

戲謝于二元士惠小箋

敢就山陰求逸少曾從亭北賜青蓮寒勾韋夢江才窟  
雅稱桃花小樣箋

聞琴

寂寂桐陰下清徽戛冷風秋生餘韻外情寄急絃中咫  
尺來棲鳳高空沒去鴻酒鑪人在否渴煞茂陵翁

丁亥

恰受

人意如秋水舟居愛半潭夢魂憑野鶴時序逐征驂月

芙蓉詩韻卷一

楚辭晒休錄

三

皎燈光澹風柔艸色酣藝花偏不嬾行酒未妨貪篔管  
音疑鳳桐箋字比蠶茗香一片遠詩味十分甘牕紙侵  
蕉綠爐煙映辟藍潛逃俗流浣靜向古人參王軸排銀  
匱金題別錦函可能九益母差解佩宜男卧雪寒銷九  
搜春徑闢三琴心宵雨後劍氣斗星南早避風波遠終  
嫌水竹耽不如漁父擢江海恣幽探

送二兄方平之官滇南

三人雲散三年內

大兄乙酉入都

三處生涯總不同父篋遺編留

弟讀兄衣添綫記親縫關心邊徵存民愛別耳鄉音祝

歲豐念我陟岡南北望葵園單影夕陽中

登金山妙高臺

第一青峰秀登臨擅此邦秋雲通鳥道春水貼漁艘擁  
搶層層寺環山面面江六龍新駐輦金碧麗僧廳

雲陽道中

萬層煙樹鑠人家歸路村村小徑斜野牧倒騎牛背雨  
山樵亂束草頭花于今愁思無平子終古悲歌有伯牙

道有伯牙祠

秋影半帆溪半碧過江風穩送靈槎

題昌谷集後

冰雪肝腸秋水神錦囊已故王樓新天公大有憐才意  
只借人間廿七春

饑民謠

村村屋頭鴉亂飛塵封爨釜炊煙微鄰人乞食縣門去

芙蓉詩頌卷一

焚餘晒休錄

四

羨殺鼠食官倉肥江南今年星在留詔民百錢米一斗  
君恩減價更賑荒里老奉行開戶口縣令踏勘初入邨  
男顏欣欣女拍手饑民無錢吏胥怒有名不上官家簿

戊子

同元士尋春郭外

青山郭外經過處芳艸空餘徑路長綠樹萬重鶯舌嫩  
春風十里馬蹏香錦囊奚子詩千句空谷佳人水一方  
多少江南好春色不通消息與王昌

黃山

山松憂江風山鳥銜江月此邦蔚人豪乃寓名黃歇

先君子春曉閣詩云碧雲深處閣嵯峨我妝鏡明

星燦若河愁絕鷓鴣聲轉急夢魂空自託微波  
葢閣爲舊主人歌姬妝樓也

面面曉雲浮簾櫳隱王鈞山雞驚罷舞銅雀鏤空愁魂  
散梅花月香傳桂子秋道書曾讀未誰起看梳頭

半亭

行到半亭分曲徑石橋書屋護芭蕉前溪流水浮花過  
潑刺一聲魚自跳

合歡詞

無賴風光在眼前枉人懊惱枉人憐春蠶過了三眠後  
破繭抽絲又剝綿

舊時深院隔東牆粉褪香消鬢子長憶得海棠花放了

芙蓉詩禪卷一

苾餘嗜休錄

五

曲闌深處捉迷藏

芋莊詩老探桂小園同賦二首

叢桂偏遲放園林恰午晴急催金作粟還藉王爲罌高  
閣多雲集秋風冷雁鳴月中消息在應有一枝榮

客至池亭寂秋香一徑深開能當白日耐得是丹心老  
幹花無準踈枝葉有陰小山悲往事相對發長吟

夜聽歌贈周大方榕

飲酒恨不飽讀書恨不早萬卷鑿章句煙海泛浩浩糟  
粕獲旋亡虛富未能保願化酒面塵一口吸易了後生  
薄前輩竊名抑何巧螻蛄伍虬蟉揚舉雲漢表剽盜爲  
人師陋識恣顛倒異趣晚自傷皓首一村老周郎棄陳

言抉剔六經瞭食貧過盧仝倚膽匹賈島風懷追晉宋  
矇瞽淨如澡卓哉古澹學議論照晴昊懸河詎憎多點  
石應惜少憶昔識君面歲惟斗插卯相逢外形骸長嘯  
結紵縞傾尊肆幽探披腹儘研討十三好詩賦臆影泣  
孤藐寒風獵書幃兀兀踟懷抱祇得孀母憐紡車續昏  
蚤朱丹漬心胃疑誤莫可考詹言未成文裏袖赧出橐  
可否乏解人癢背索長爪荷爾鞭古心淡味逾耐敲磬  
諸治絲琴上軸終待纜又如秋樹枝敗葉快風掃漸俾  
胸臆開迺靜腸肚燭涉史究諸子愛博中弗擾馬班恣  
誇靡莊騷闢幽杳澄觀滄海瀾嘆息所見小萬派歸一  
源探囊獲其寶沃膏吐華秀濯濯逞妍好不如注天潢  
千丈湧猛濚發聲激高浪鼓氣翻舞藻汲古破典墳戰  
詩敵庾鮑並世韓孟生雲龍喻交道難躡二子踪巖市  
畫雙鳥獨處嗟天寒翠袖倚風篠展卷沸酒氣相思夢  
池艸斜月界空庭濕螢點林杪紅燼落短檠坐待東日  
曉

己丑

輓西岑吳先生

生涯蹭蹬客長安意外誰憐竟閣棺夢寐尚疑敦道氣  
文章未解誤儒冠薄於賦命捐三策老去傳經折一官

先生戊子下第適教習限滿未謁選而卒

會葬諸生多泣下就中誰更淚痕酸

青青水中蒲

青青水中蒲生長倚天性水面起復眠中心自閒靜  
青青水中蒲葉葉青可愛不須濯江漢自有清芬在  
青青水中蒲根固不可移流水弗相顧深淺應自知

賦得陰陰夏木囀黃鸝應叔祖野雪先生命

疑雨疑晴繞郭飛深深花徑每雙棲何心入夢當風起  
著意思春盡日嗶紅樹靜中藏羽暗紫雲深處護香迷  
穿空直上林巒去滑落圓音到閣西

牕外

妬晴天氣熟新茶牕外新陰綠滿紗昨夜五更風雨惡  
小亭紅褪石榴花

池上逐涼效蘇詩人皆苦炎四首

芙航詩顧卷一

焚餘晒休錄

七

納涼庭院好留賓河朔風流不計旬樹靜莫嫌調舌鳥  
日長偏稱懶眠人葛衣袒過風廊路草履輕拖澗水澹  
手把一編頭一笠襯梧陰下坐垂緇

紅日飛停爛海涯趨炎今笑幾人皆水亭風捲芹香入  
城郭煙籠竹影佳炙手那堪吾獨冷汗顏其奈俗難諧  
北窗位置羲皇上未許纖塵上小階

濃綠陰中紛不數赤鷗掉尾黃鸝舞暮檐蝙蝠趁蚊忙  
午樹螳螂脫蟬怒紫蓼灘頭晚色搖白蓮池上晴光吐  
此時能弗憫旱農郊外桔槔聲最苦

短簑輕裾坐未厭瓦盆茉莉暗香添長溪泛月先聞澗  
小院迎風靜捲簾浴罷茶聲生爽意夢回書味得餘甜

深山六月無人覺，只說殘春是午炎。

自題江天一笠圖小照

安航合放大江流，萬里西風片葉秋。  
搶護濃雲山外寺，燈搖小市酒家樓。  
霜中斷雁迴聲咽，淵底長鯨息浪浮。  
帆迅潮平人去遠，一丸涼月挂東頭。

附  
和詩

青陽  
吳襄  
七雲

百頃玻璃自在流，片帆婀娜五湖秋。  
江霞乍見烘魚尾，海氣終看結蜃樓。  
細雨斜風孤笠共，青天白眼一杯浮。  
蓬瀛咫尺神僊地，不怕銀山浪打頭。

題舅氏茶坪徐先生雲溪艸堂圖用昌黎集短

燈檠歌韻

芙蓉詩韻卷一

焚餘晒林錄

八

霜濃煙冷秋草長，日腳淡淡舒寒光。  
水雲膠空捲遠碧，溪影倒射溪堂涼。  
茶坪先生此中住，小槽滿滴書連牀。  
山花野鳥皆佳客，鞭絲嬾向長安策。  
溪頭雀角愁屋穿，青眼連年不曾白。  
苦吟咽淚北堂前，只有紅燼知無眠。  
王郎<sup>石谷</sup>畫圖筆縱恣，響絕溪聲聳山翠。  
天心留作野史亭，不比襄陽不才棄。

望江樓

幾年不到望江樓，此日登臨值九秋。  
出岫雲低蒸閣外，際天風急滾潮頭。  
舟梢蘆影遙帆穩，鐘帶松濤窄徑幽。  
應向小栽嶺上住，望江人替渡江愁。

君山弔春申君

楚相風流盡棘門，弱人何獨不銜恩。  
江東珠履三千客，若個猶能殺李園。

題岳九子衣雪笠圖二首

濁眼混碧空，達觀樂寒潔。  
重陰結層雲，下上互明滅。  
斂退道窮島，煙波絕人跡。  
應愧髻未霜，平攤一頭雪。

狂犬憎潔人，大塊吹白影。  
風亂蘆花江，冒寒掉孤艇。  
片葉天際浮，亭亭蓋圓頂。  
挂帆一笠翁，長風過俄頃。  
期爾蓬萊巔，下視海色冥。  
寒空散團光，靜照銀濤冷。

庚寅

次韻茶坪舅氏題画扇二首

墨梅

芙蓉詩櫛卷一

焚餘晒休錄

九

月斜風暗斷煙昏，料峭輕寒野水村。  
直爲春工洗凡艷，筆花勾出印溪痕。

墨水仙

江妃漢女賦懷春，靜志無媒感洛神。  
別倩王孫松汁手，故宮鉛粉任生塵。

虎丘山寺贈新安方望子

熊

黃冠煉衣號爲望

道士時年八十有一

閱過滄桑處，翠微遊仙夢。  
醒已忘機，青州最契六從事。  
赤壁何來一羽衣，雨得桐花鋪藥竈。  
風將松子打柴扉，山中留住高人蹟。  
未必君房去不歸。

西湖

綠天煙柳曉濛濛  
白傅蘇公在眼中  
十里癡雲千頃碧  
一堤酣雨六橋紅  
層嵐倒浸湖心皺  
古寺平分樹影空  
多少葑田資水利  
流風還憶兩詩翁

避暑素園聯句次昌黎集納涼聯句韻

洪爐燻九阨銷夏繼  
河朔坱圠豁翳陰  
增泓被污濁是  
鷓鴣坪橫看火繳  
張高倩風輪擢碧  
浮煙挂川紅障雲  
與嶽去癡約略橫  
槎枿媿隅響湫澗  
狂濤奔鴨腳簾階  
打碎電毛周躬苦  
炎和蘇髯避暑踵  
鄭愨蛙鼓畚晚唱  
鶯簧奏樂麴碎林  
漏金烏轟墪聳鏗  
驚石磴壘陂陲松  
岡蔭綿邈去癡軒  
敞便起居器熱苦  
把握神疲坐難兀  
步懶立顧卓周如  
彼鹿遭捕戎犄晉  
人角躁鱗忽騰波  
恬翼暫停啄鷄登  
亭翼屋遮蕩漿漣  
漪渥短筇奮半塗  
長塵倦一捉去癡  
蠅饒伺簾櫳蚊點  
鬧椽桷科頭禮勿  
苛慢膚快頻濯周  
俗遠恣闌燠氣爽  
迴确犖削爪析紅  
瓤嚼冰漱寒璞鷄  
炙手謝茗甌冷淘  
進麩穉園蔬釘盤  
厲肥螯愈鷓殼去  
癡朋儕紛厭飫談  
詭埽齷齪大雅苟  
弗遺吳飲待郢  
斲周結思寄濠梁  
蓄意在棋槲荷錡  
婦奚言臥鑪鄰未  
覺鷄笙結青奴綠  
籬窺白衣兒搜腸  
宗佶屈遠肖古澹  
學士凝噦嶼旋愕  
貽翫易顛撲刻期  
數八义趨猛報雙  
銳筒裳將集菱荷  
佩可紉蘭葯腹以  
七錦襄心同萬蕉  
剥去癡狂詞禁齟  
齬綺語嫉謠詠衷  
途偃蓬簾險徑驚  
磻砮去癡鬪字應  
非訛撥書寧憚數  
詩成鼠鬚腐熏瀝  
漬管

搦風北牖招涼颺羲軒仰醇朴祭獺組雅麗處旣致脩  
摧蘄龍骨翻匄匄竹雞嗁喔綠槐高蟬抱青頻細鳧  
軟蕤萬類困炎歎我曹嘯林幄構茲納涼篇誰爲其章  
琢周

蕪城懷古雜詩五首

非關夢好下江濱王樹歌殘王蕊新終是惜花心性少  
又留佳句別宮人

平陳曾笑後庭花一曲紅梁見麗華辱井臙脂猶未冷  
二分明月屬唐家

荒涼黃土怕經過風雨銷香華綺羅莫道羈魂終古恨  
較勝懸帛馬嵬坡

芙蓉詩櫛卷一

焚餘嗜休錄

十一

誰似蕪城帝子奢柳條風逐錦帆斜于今行遍紅橋路  
不見詩人詠暮雅

難教主義敵高昌釁血迷仙鎖曲房還有雷塘田數畝  
燐光悖冷替螢光

遊平山堂

放眼斜陽一惘然萬重雲樹蜀岡前敬他艸木公心見  
蘇詩醉翁行樂處艸木皆可敬誦到文章正氣傳史筆風雷嚴五代酒杯花

月冷千年後來縱有風流守誰繼詩翁結勝緣

題敲棋圖

局內非姑婦秋燈夜雨中定知潮頰上輸却王釵紅  
偕梧坪呂先生過元士齋頭各賦秋柳三首

蕭疎楊柳拂江頭一片秋聲攪客愁何事淒涼悲宋王  
暮年張緒也風流

西風悽緊送無聊剪葉聲寒過小橋橋外離人猶惜別  
去來還拘最長條

擣砧聲徹小樓西霜影搖空冷翠迷一種秋心枯未死  
不隨香絮污春泥

雨中集碩堂次昌黎集秋雨聯句韻

丘陵朗氣空湖海同雲會餘炎捲蒼冥新爽發晻藹渾  
忘火龍狂迺乞潛蛟泰凝點膠纖塵飛流注驟瀨綢繆  
意漸濃奔湧勢益大金鼓震曹劌弓刀走鄧艾淒迷漬  
落葉昏黑慘抱柰颯颯呼松杉鞫鞳迸良兌雲鴻矯藏

芙航詩韻卷一

樊鍾鳴休錄

十一

霾江鯉怒激汰百尺瀉梧陰三更滴庭外艸蛩助唧唧  
埕鸛爭噦噦牕草長新意檐花送竒鵠黑蛟變出沒朱  
驚浮滂沛堦冷散清影泉深起長籟寒煙著枝濕淫潦  
成渠仗巫峽收青霓廬峰巨白帶徒迎北牕涼未卜東  
畬害漁父浸蓑笠老農廣溝澮顛巢澤國盈決岸波臣  
賴翻覆空賀柳零濛苦征蔡商聞豆花馨燕舞桑林酌  
天漏補玄冥礎汗流叢蒼披衣涌燦爛鞭石振硤磔瓶  
滴戒天符墨池化錦貝氣蒸封穴地黔濕積芻膾憎蚋  
凍無依拙鳩餒何丐飛廉橫揮戈屏翳肆馳軼衆類密  
林竄羣飛短檐翮今來碩堂集幸有敝廬蓋前人思弔  
宋我曹敢饑餽荻花搖瑟瑟蓼穗挂旆旆何當轉新晴

佇見散氛靄饑腸飽佳句醉眼亂濁盞鉅釀傾金壘盤  
肴進銀餚愁霖奚所歡喜雨乃爲最洗心破煩囂斂足  
避顛佈夜闌眠對牀燭燼坐聽霑銀竹立千條汎濫安  
可太

秋日尋花

別有閒情伴曉霜肯將心事許秋光前緣自分應非薄  
不比春花負杜郎

寄贈太守陳滄洲先生四首

毓靈騷國起煙霞雨潤中吳萬井花一代五言韋刺史  
千秋三策賈長沙只憑天鑒孤忠矢不避人讒勁節加  
詎比江州醉司馬青衫一曲泣琵琶

芟坑詩顧卷一

焚餘晒休錄

十三

兩邦廉吏凜清箴霖雨封章萬古心宦海危波完白璧  
藝林公論鑄黃金縱橫筆格變八法幽怨湘絃綜四深  
冰雪肝腸畲 明聖世間強解整龍吟

文禍江東獄未平天教司命活諸生

癸未甲申吾鄉有文  
字之獄賴先生保全

爭光

日月標清望鼓氣風雷響大名道任師嚴驚蜀犬才窮  
吏議觸江鯨門牆痛惜寒羶輩還作牀頭棄短檠

何時一櫂謁明公身與孤雲去住同笑倒陸郎知有癖  
哭傷阮老謂非窮萬層山色生煙碧一片江濤返照紅  
都爲徂徠消謗燄漫將身世感秋蓬

題茶坪先生栖禪集後

絡秀歸何地青溪已築墳幼兒還索母聲苦不堪聞塵

鏡封奩木空牀冷簾紋傷心蘇內翰愁卧哭朝雲  
瑞應三千歲星終十二年酒漿朝突上刀尺夜牕前姑  
病措湯藥神傷入墓田巫陽予魂魄負土馮湖旰

陳秋田先生除夜生子小字大年東此以賀

湯餅椒盤樂事并生兒兩日已雙齡秋田詩派他年在

羣王山頭摘小名

宋楊大年有  
西崑唱酬集

芙航詩禩卷一

芙航詩禩卷一

焚餘晒休錄

余友楊君笠乘以貴公子爲名孝廉年未三十而詩文播海內團香集其一也蓋其望本清華情偏跌宕既含咀於古籍自吐竒芬兼擺脫夫煩襟還餘逸興画闌曲檻鳥語間關小閣疎簾花容旖旎拈來句裏化爲一樹珊瑚散落吟邊幻作千行翡翠良由頻年採擷艷絕羣葩於是一氣氤氳真成百和僕也少嫺綺語蚤悟空華故態猶狂放浪水村山寺其愚實甚流連夜月春燈洎訪高齋爰觀麗製乃知往者翦紅剡翠空擬十香之詞今茲賸馥殘膏難入衆香之國騷編香草遺落無多集壓香籤纏綿不少緬彼紫蘭徑杳何來采香之美人羨爾紅藥詩成共號熏香之才子梁溪同學杜詒

芙航詩櫛卷二

團香集序

一

芙航詩禎卷二

武進 楊士凝 笠乘

團香集

卯辰之間養親小園心頗閒適春秋佳日花鳥送  
更輒以體物語遣興不復計工拙也

辛卯

早梅

園林香夢及花辰漏洩東風一點真心賞最宜三五夜  
神交難化億千身祇緣冷淡偏多味除却繁華別有春  
竹外江頭寒尚峭斷橋人跡往來頻

嘲春風

芙航詩禎卷二

團香集

一

輕推簷馬蕩簾鈎一段消魂一段愁只恐香閨渾忘了  
小吹花片過牆頭

送元士北歸

野水寒梅一枝曉故人又上長安道送君南浦魂黯消  
脈脈春煙叫山鳥我初識君湖海士披腹琅玕發天藻  
學詩示我索和章筆底風行卷秋潦江南游俠空北羣  
仲也論才獨知鮑結交角巾共書牀落月寒霜照庭草  
看花京洛及秋期應與吾兄得枝短牋憶別賦相思  
中酒商聲憂寒篠春波不乏雙鯉魚念我惜花愁未掃  
恰受海棠歌用東坡先生寓居定惠院東韻

苦吟先生如槁木牢護狂愁屏幽獨春風百舌呼靚妝

野卉嬌香總塵俗霞鋪庭院曉沉沉縱蝶勾鶯戰林谷  
夢寒人悄雨絲柔攪和春魂逸牆屋圻房新露浴娟娟  
蘭室籠燈光射肉膩香慵拭印輕綃直是肥環睡初足  
弄情含碧怨已盈用意勻紅態逾淑此時擎杯巢樹巔  
花飛滿頭酒滿腹酒潮花氣暈春陰搖曳狂心倚修竹  
香霏閣外昌州種恨我遲生未經目詩緣猶訂碧雞坊  
杜鵑哭送春歸蜀興酣追步端明詞母乃画虎殊刺鶴  
惜花人坐落花深錦天碎入殘絲曲冷月溶溶挂晚枝  
四更風定閒愁觸

江上獨步尋春戲作十香詞

春深庭院日初長次第花風到草堂博得半生巖畔住

芙航詩禪卷二

團香集

二

年年消受楚梅香

不問當鑪買醉鄉銀瓶何處索先嘗酒酣快讀無雙傳  
劍氣新流俠骨香

曉寒殘夢記東牆日影搖枝画曲廊百舌呼春人半醒  
睡餘書味展心香

當牕小袖學塗妝潮頰矜誇半掩藏悞喜尋春今未悔  
滿簾花雨滿樓香

未嫁相逢勝採桑使君夫壻費評量嫁時省得明珠好  
齒軟東方姓氏香

引鳳簫聲遞野航一痕斜月浸池塘多應簾捲牕紗薄  
微度春宵睡鴨香

學士才鋒掃衆芳，枉緣詩瘦費柔腸。清詞不似儂多怨，別遣蓬心發古香。

無復溪頭黃四娘，青裙白髮訴顛狂。捎花燕子啣人懶，管領東風嫁國香。

燕臺詩乞少年郎，雪夜偏多盜卧裝。只恐丁香春不結，澠裙空待博山香。

忍教輕破早春光，一點蜂心未褪黃。不見海棠花放了，落紅風裏惜狂香。

### 十姊妹花

可是諸姨合放嬌，一花逾九賭妖嬈。誰偷西蜀叢祠樣，壓倒江東大小喬。

蜀人說拾遺爲十姨遂聖像以祀可爲絕句

### 芙蓉詩韻卷二

團香集

三

### 閨中春暮詞

春愁春憶兩難降，白日當天綠上牕。嫌殺花間癡燕子，鬪風衝雨亦雙雙。

紅日曛曛破碧煙，一簾花影護春眠。誰教黃鳥無靈性，圓比丸聲送枕前。

### 白燕

曾入漢宮門，蛾眉惑至尊。粉牆飛失影，瓊樹掠無痕。衣紫慚非侶，冠烏詎足論。王釵香閣碎，銀剪小庭翻。繡幕風光淡，空梁日色溫。舞低春曉樓，冷月明村皓。質紅泥岸冰，心碧草圍雪。消楊柳，怨霜返鷺鷥。魂隱谷，雙巢好窺牕。一縷存石頭，城外望縞帶泣皇孫。

閱湯義仍邯鄲傳奇戲和元微之夢遊春七十  
韻題其後

古有邯鄲生睡鄉得良過壯哉枕上游大夢窮竒趣茫  
茫走長空虹梁橫斜渡未能上霄漢反入紅塵路人境  
亦幽僻環廊往來互彤霞繞青鸞碧藻拱白鷺庭院深  
沉沉紗牕靜煦煦娉婷裊紅裙徐起凌波步瞥見心動  
搖旋窺色欣慕鴛鴦宿池驚鸚鵡飛籠懼蠟燭繡屏張  
麝囊香閣布馬戰夜深寒鶯啼日高寤狂辭故相謝醜  
顏暈如怒殷勤素手携婉轉朱唇諭紅靨慣凝妝王粲  
新治具初含豈蕊梢早種芙蓉樹風送四更鐘人迷五  
里霧瑤宮七夕期銀漢雙星聚經歲悵難留深情匿微  
露入室戀翠衾出門曳芒屨贈君蜀江錦不惜作君袴  
長歌白頭吟弗使新人故流光驅春秋倏忽易朝暮奮  
踏青雲梯壯遊京洛寓金殿奪臚雲萬里風帆泝將相  
了須臾回首塵心悟覺來駕鶴去蓬島在指顧竟作掃  
花人癡情孰持護我愛邯鄲生學步江陵句幻境欲遲  
留夜半卧握固遂覺夢游春神思感心腑蘧蘧漆園游  
會合殊嫁娶漁父尋舊踪劉郎認前度欲採猗蘭芳應  
憐兔絲附目成顧花叢解佩諧歡裕貯我白王堂迎我  
黃金輅寶帳碎皎勻竒羞雜鱗厝眠過換箔蠶暱比藏  
書蠹黛濃痕淺描粉膩膏輕傳刀尺響空閨琵琶泣古  
成放燕捲簾幃留香閣牕桓蓮浦木蘭浮蓼岸花驄駐

大塊牽物情纏綿縛絲絢知序王臺詩解作長門賦巫  
峽楚王宮錢塘蘇小墓過眼盡成塵餘情空眷注頃歷  
碧霞城閨苑識小素麗人充離宮弔古廢百務蔡琰塞  
兒悲王嬙画工惡夷光越網收阿環馬嵬仆跨鳳香無  
聞立馬看難屢傍輦數枝慙當鑪幾秋痼扶風腸自枯  
號國顏多忤瓊樹已歌翻釵鈿又親付難上綠珠樓羞  
故莊姜瓠貼金花未生抱王煙無措狼籍亂春紅身世  
從頭誤慷慨思古人揮淚觀史庫慎弗惑空花我心似  
陶鑄灰燼炙金猊夜光瀉銀兔柔魂逸天涯方寸誰能  
錮碧落與黃泉下上任馳驚翡翠匣中吟鷓鴣枕上訴  
日暮嗟虛涼伊人恍如晤初夢尚難醒成夢何時赴陌

芙蓉詩櫛卷二

圓香集

五

柳吹不停園梅落無數謠詠謝蛾眉禁此衆女妬塵緣  
異邯鄲大夢詎同住爛醉倒泥沙蓮花本無污

聽鶯曲

籬下無人送酒杯鴨爐香燼不教焙倦時一折莊生夢  
又是黃鸝喚醒來

斜橋春水故西流煙裏人家樹裏樓瞥眼金衣明滅處  
一雙輕閣柳梢頭

彈丸驚起怯春遊無賴狂心鎖客愁不許海棠枝上坐  
賺他妝閣響簾鉤

麥莖扇

乍暑來牟熟何人剪細莖驅炎思雅製揮手錫佳名兩

面勻排好千條密織成夜牕留月住午簾借風輕翎剪  
翻嫌陋蕉裁豈讓清質微長棄置骨軟暫通明隴畔迎  
涼信丘中悟物情流螢疎影亂啣爾撲無聲

葵

瓊樣詠黃金低昂任露侵故園能衛足何處最傾心弱  
質還如昔傷根已到今太陽終不負其奈值秋陰

萱

令艸應休祥青葱樹北堂含貞完晚節守潔發孤芳男  
夢知曾叶親憂苦未忘黃初緣作頌日下乞恩光

同心蘭次韻

香蘭結愛早秋時花肖人心並蒂枝猶恐白頭心未死

芙蓉詩禪卷二

園香集

六

酒鑪琴罷鎖雙眉

寸草原知抱一心也如連理互成林途人怪變心如面  
却笑如蘭比斷金

江舟感興

暮江秋影畫胭脂橫剪輕帆上水遲一陣寒香吹不散  
隔船風遞女郎詩

八月二日桐城胡襲參江寧程得莘句容李芷  
林江都顧友于華亭黃若木陳鶴西路舒馭范  
書常姑丈錢崑河泰州顧湘靈宜興周方榕同  
邑秦龍光蔣涑媵岳子衣暨梧坪師二叔父古  
度小集金陵河房寓齋即事

秦淮秋老結鷗盟江左文章重王京北海樽空慚買醉  
西園客至荷知名古心後燭輝前燭世事長繁笑短繁  
萍散天涯應記此白門風雨故人情

辛卯年雪次昌黎集韻

卯冬三日雪積陰慘忘歸擬鹽詠起絮詎足以解圍王  
合成乾坤心膽澄欲飛維摩散花去招以交龍旂素濤  
卷空浪千尺鋪苔衣冷艷妬月姊寒光眷梅妃天公決  
銀海吠犬多危機山川文章滅白帝敢嫁非僵卧不出  
戶吾曹果知幾曉起白眼看黯淡同雲微

童子刺雪爲蓮花燈詩以賞之

雪深重赴白蓮期紅燼高繁剪刺奇細疊亂瓊裝王井

芙蓉詩韻卷二

國香集

七

暗消活水瀉楊枝縱饒冷眼看無味應笑寒心熱幾時  
開向牕前供映讀淨名禪室碧琉璃

壬辰

鳳簫曲十首

冰簪低送小黃香六出團花冷宿妝遲遣春魂報消息  
肯分寒艷嫁檀郎

不敵東廊子弟才漫勞屏卜作良媒求凰分有雙棲夢  
只費溫生王鏡臺

聯娟睂黛稱纖穠牢鎖春愁著遠峰憶得嫁時衫子薄  
曉痕湮透一重重

王梅香步早春天月影昏黃靜未眠頻問夜寒伴不答

背人拔脫小花鈿

倦調金粉染胭脂日上闌干訝起遲一陣東風檐馬戰  
早鶯驚亂海棠絲

垂垂繡幙鎖金猊雲母屏開日已西何事撲簾雙燕子  
戀巢猶自覓香泥

黏鞋寒綠是莓苔結伴窺園步幾回石徑怕融春艸露  
侍兒扶過小亭來

兩兩門楣署狀頭素娥偏負月中秋莫嫌鈍了吳剛斧  
不斫天香不肯休

舉案圖成愧伯鸞機絲工苦繡牕寒曲江半臂無情甚  
償得河東軟齒酸

芙蓉詩補卷二

團香集

八

花車盈陌走如狂柳下漁航笑底忙不數南塘三十六  
一雙綳子繡鴛鴦

村南見海棠

傾城下嫁楚牆東碎剪生綃補化工恰是半開看更好  
自然多態不關風

春啼破曉一聲甜日氣上花紅射檐孤枕倦支殘夢醒  
捉團蝴蝶閃風簾

開時顏色落時稀浴罷昭儀睡王妃休似街頭楊柳絮  
打球狂逐伯勞飛

薄香裊裊攪寒雨孤艷亭亭割晚霞如此名花空谷裏  
春風今夜聘誰家

春盡

昨夜春風到妾家錦江芳信去天涯怪他小物傷春甚  
午後蜂歸未放衙

乘小航泛香水渡

渡口送漁郎輕風放野航水清天影碧人靜月波黃魚  
穴桃花亂龜巢荇帶香伊人何處所只在此中央

陪叔祖宮諭飲峰西閣紫藤花下賦得九言

暮春三月陌上飛黃鸝一聲兩聲不住穿林唳棟花風  
急催送花事了沉沉濃綠一帶環清溪東臯園中紫藤  
落千丈挂空屏錦五樹排峰西墮雲朵朵古木撐不定  
天女垂手萬串虛空提海霞蒸起極目豁無際青天皎

芙蓉詩續卷二

園香集

九

潔頃刺生虹蛻挈珠赤虬披鱗山石動放嬌紫鳳掉尾  
扶桑棲午風翻舞點點日影碎狂瀾猛沸渤海騰鯨鯢  
亂堆野霧仰視詎可狀秦關氣鬱煙散吳宮迷吁嗟化  
工裝點光彩爛遠通紫府直與仙簫齊我將踏雲上窮  
紫蓋頂千條索絡扳扯升青梯何人花下卧看滴空翠  
一雙燕子銜去攬巢泥

茉莉

縵華佛國種海外來南帆天公錫嘉名換骨遺塵凡花  
田粵九里折節移枝劔入夏發清馥結根託巉巖彤雲  
張火傘孤潔涼暫暑王妃夜剪水小砌先生城脆雪融  
皎日冰精費雕鑿嫩蕊剝碎瓊顧使青鳥銜龍涎避幽

芳異味殊酸醜夕花裊朝露故蒂新葩攬鬢宜晚妝  
採香走廊巖浴罷臨月牕紅甲舒摻摻盈掬飾姊妹瑩  
骨熏涼衫暗香著搔頭釵股訛珠嵌宵分擁紅袖屑屑  
墮枕函夜市賣花聲雜還爭詰誦羣兒得芳意三嗅不  
解饒分甘數團扇贈遠封雲緘鉛華洗西土瓊島故降  
監微利恥蠅頭我與梅溪咸王梅溪詩老來恥逐蠅頭利故  
向禪房覓此花花譜一名沒利金風  
剪炎氣香退投麝岳人情羨華茂那問枝葉芟深藏謹  
寒曝俾壽如松杉膏沃迺更華物理無鉅織

竹

結伴溪山仗此君夜牕踈雨曉簾雲只憑挺節能孤立  
長得虛心自出羣月到空庭鋪碎影風來素壁浣清芬

芙蓉詩續卷二

圓香集

十

情多乃不因人熱弗向羅幃展篔簹紋

佛手柑

枝頭承露好傳宴貯冰壺彈處看來有拈時解得無擎  
拳嗤措大試爪笑麻姑千億通身現祇林仗力扶

香櫞

結愛秋霜裏勻圓弄早寒凝霞縠皺光簇鬱金團香  
久完高潔心清醞苦酸齋廚幽入妙配薦水晶盤

秋海棠

地下根苗碧枝枝澀淚流口脂勻復膩頰粉妬還羞牆  
角從人棄天涯不我留帶愁花愈好思婦最宜秋

牽牛花

籬落秋風起絲牽九子鈴人間疑有種天上恐無星  
滴露翻金盞盛霜挂石屏不如檐下馬長夜響東丁

早桂

花信迎涼趁早秋月中先發一枝不姪娥靈藥無心惜  
只許平分不許偷

雞冠花

綬吐霜空錦綵明  
裁冠爲冑氣崢嶸  
名高燕市應難鬪  
客過秦關竟不鳴  
養到堦墀看似木  
縛來江閣笑無纓  
戴星苦立花叢冷  
昂首秋風耐五更

夜落金錢

買笑東家撒錦茵  
秋風吹落賂花神  
亂拋紫禁樓前地

芙蓉詩頌卷二

團香集

十一

戲擲紅裳夢裏人  
無計可償梁掾券  
有心難濟阮郎貧  
倩誰移種東籬下  
不負陶家漉酒巾

剪秋羅

茸茸分得漢宮秋  
抹盡胭脂淚未收  
初犯曉霜工點染  
又勞并剪費雕鏤  
製成織女千絲恨  
裁出征夫萬里愁  
輸煞青樓閒十指  
博卿香汗污纏頭

滴滴金

疊羅黃映小堦前  
分得東籬一種妍  
行露那堪搖翠珮  
辟寒差擬飾花鈿  
團空細散如來粟  
貼地旋移妃子蓮  
莫向秋風嘆寥落  
何愁費盡買花錢

王簪花

秋牕初曉露盈盈花作搔頭上髻輕投處却疑敲未斷  
拾時猶訝墮無聲扣將瓊戶驚殘夢配得金釵寄遠情  
昨夜枕函誰覓去落英深處月三更

夢

清秋紅淚泣寒江纓絡垂垂建碧幢雨壓浪花敲柳岸  
風牽珮帶過船牕空招寒蝶魂千里高挂溪鷗夢一雙  
布網歸來蘆荻裏錦叢無數繞漁樵

金鶴翎菊花第一品也爲沈子慕賦

世外秋風第一清幾曾籬下寄閒情山中亦有黃金在  
不向人間買隱名

促織

芙蓉詩櫛卷二

園香集

十一

涼至悲秋草當牕夜夜聲咽風停一綫泣雨過三更病  
婦驚殘夢征人動別情可知香閣裏衾枕到平明

次韻元人詠物二首

菜羹

野圃挑蔬逸興長厨娘日給未能忘娛抽雨甲舒肥綠  
細捲霜芽蓄冷香茹苦應調畦畔薤贈辛頻點社前薑  
何人知味從根齧合種東臯饜酒狂

糖霜

石蜜清寒煉玉漿織山遺術竟傳黃見王灼講旋凝坡老盤中  
水微點涪翁舌上霜著齒渾輸青女凍滌心重著遂寧  
方到頭佳境消成雪博得甜餘笑口揚

至夜碩堂留宿語金閨舊游事率筆口占偶檢  
杜集因用其韻

年華身世遞相催弱線添絲幾度來何處無情渾未悟  
異時此語亦成灰陌頭春暮思芳艸笛裏風香奏落梅  
寂寞湖山知我待較量花月獨銜杯

斷愛雞聲破曉催天台劉阮却歸來難逢笑口奚堪訴  
盡鎖狂心未敢灰千縷爭攀河畔柳一枝誰寄隴頭梅  
人間樂事無多子付與無聊濁酒杯

黃葉得紅字

亂捲荒村萬樹風經寒落葉褪霜紅千條曲徑尋踪遍  
一帶清溪下影空慣響西牕驚旅客盡鋪南陌掃山童  
御溝也許題新句傳語黃花晚色同

芙蓉詩韻卷二

圖書集

十三

東臯雪用蘇詩聚星堂韻禁體物語

風剪寒林戰落葉密結重陰濃作雪化工裝點巖壑間  
潑眼清光訝竒絕野橋驢背散滿身狂笑歸來幾腰折  
簾櫳漸覺樹影微坳坵乃見苔痕滅東臯酒徒招草堂  
寸管遙從老坡掣墨花野戰那可肖淡境不藉青紅纈  
書巢卧聽牕外聲蔌蔌墮枝成碎屑熱腸無異雲漢圖  
冰炭消同總一瞥何當寒香沁肝腎冷語雕琢憑誰說  
乞融殘汁促南枝弗銷賦心還似鐵

恰受齋歲寒三詠

羅漢松

摩頂靈巖枝斑駁裂石罅得非無本師談柄敲月夜

天竹子

萬顆勻圓碧作朱綠毛么鳳挂珊瑚等閒敲擊樓前墮  
拋散當時一斛珠

蠟梅

豈是宮中半額黃花魂應解道家妝冷烘臍麝封檀口  
細束腰蜂塗蜜房冰綻晴香稜碎影月溶寒艷魄分光  
南枝費盡閒脂粉却讓先春一種芳

夢中探梅

此外何花堪入夢个中著筆更無詩多應壓得羣芳倒  
開在東風第一枝

芙蓉詩禪卷二

圖香集

十四

芙蓉詩禪卷二

余自袁浦歸知從孫笠乘幼而好學後來之秀有深望  
焉年來習爲詩歌多就余批閱語近情遠不失風人之  
遺可謂苦心孤詣者癸巳余往返京師笠乘學日進而  
業愈富一日手一編以弁語請愛其力大氣雄非繩趨  
墨步所到他日頌揚休明或者其有當乎子美云每蒙  
天一笑復似物皆春子瞻云詩成天一笑萬象解寒窘  
取兩先生詩意以顏其集芝田老人大鶴書於野雪軒

笑航詩櫛卷三

天笑集序

一

笑航詩櫛卷三

武進 楊士凝 笠乘

天笑集

歲之正月放棹秦淮下上春江未蒙天笑作詩者  
猶言其志乎

癸巳

送三叔父農先入都兼懷四叔父乘萬大兄若  
游

九天布大網麟鳳無遁逃長鯨與尺鯉駕海翻雲濤笑  
茲煙波叟泯迹寒江臯荷蓑唱歌去落落非其曹生逢  
堯舜君薄彼巢由高飄絲萬里流奮手釣巨鰲行行復

笑航詩櫛卷三

天笑集

行行醒世殊哺糟

北方有旅鳥一飛高冲天苦口銜黃蘆結侶聞闔前翻

翩雙鴻鵠

四叔父與天  
兄同館選

詎得與比肩故林同巢鳥戢羽南江

邊因風上瀛洲引吭參羣仙披雲覽列宿比翼何後先  
嗟此脊鴿飛顧使隻影憐擬寄萬里目劍棧遮南滇擬  
將千里心池塘夢幽燕徘徊河梁上蓮葉青田田

再送三叔父二首

行路難驅車上長安烏樓日落影點點馬嘶風急聲啾  
啾關山月淡慘夜氣草木露重侵征鞍豈無他鄉客一  
見為彈冠相勸策高足努力振羽翰弗以游子情意氣  
輕饑寒願言長相思離別增悲酸鄉山無情縛人住片

片歸雲擁村樹揚鞭上馬頭不回直指青帘酒家去  
富春不得爲狂奴高陽不得爲酒徒長蛟何能失海水  
詎肯懷璧云無沽昌黎三上書齷齪慚號呼歐公主薦  
士而得大小蘇誰無良知遇擊缶歌嗚嗚不見名都篇  
京洛多少年

江上

江聲天外捲春潮七尺蒲帆送小船醉裏放歌圖自適  
閒中得句遣無聊汀洲綠皺風蘋葉山郭青籠煙柳條  
眼底推篷新萬象曉雲濃處碧迢迢

大風曉過金山

江天笠望江天閣第一船過第一泉直與東萊撐巨眼

芙蓉詩額卷三

天笑集

二

中流元發本巍然

望焦山

宿霧收將起饒雲鏤不開何人江上望青出幾峰來

燕子磯

剪尾狂瀾起釣磯長陵靖難卜先幾謠成逐燕無人悟  
那管凌江燕子飛

鷺鷥

白鷺霜翎潔浮空遠渡河一時難化鶴千古錯籠鷺孤  
立神何朗高翔志不磨豈無霄漢在寂寞野田過

小長干曲

妾住長干里桃花歲歲紅看郎來往熟不省怨春風

康熙聖德詩七言長律一百韻 并序

康熙五十有二年恭遇 皇帝六旬萬壽 詔禮

部特開鄉會試科一歲之中兩行曠典學臣爰以  
萬壽詩爲科舉試題欽惟我 皇上冲年踐祚天

縱多能久道化成乾行不息文經武緯聖德神功  
拓前古未啓之方輿膺萬世無疆之曆數湛恩汪

濊闡澤覃敷天地人神昆虫草木無不懽忭茲者  
選材益富用人益弘凡偏長末技咸得自效于光

天 聖世謳歌于斯爲盛豈尋常呈祥獻瑞頌美  
之辭可婉擬哉 臣謹考宋石介作慶曆聖德頌自

謂愛慕唐大儒韓愈爲博士日作元和聖德詩千  
笑航詩禩卷三 天笑集 三

二百言鋪張揚厲使憲宗功德赫奕千古今我  
皇上煌煌大業遠邁唐宋拜颺良弼詎少琬琰金

石之文昭布天地宗廟 臣一介草茅非太學之官  
無博士之職罔知忌諱不識體裁特以遭逢堯舜

之世雖俚辭鄙語願竭其愚衷以發揚君父之休  
聲烈光永著萬古於是擬作康熙聖德詩一首律

以七言廣至百韻凡一千四百字應有司之試帖  
俟異日之採風焉

熙朝 帝德超羣后 聖代宸猷邁百王萬歲山河開

壽域兩京星斗麗天章雲霄韶蕩臨雙闕王帛衣冠拜

九閭象取易占稱出震謠同詩頌湖維姜遼陽海闊圖

星馬長白峰回瑞叶鳳華渚虹流生少昊丹陵龍孕啓  
陶唐神珠石紐惟興夏乙日郊禘乃降商誕節繞樞徵  
電彩佳辰貫月吐星芒八年受命靈符早六袞當陽寶  
曆長建極體元膺繼述用中欽止審幾康休威戒董占  
風動府事修和勸日襄丕顯丕承恢業廣無偏無黨宅  
心臧旦明克畏羹如見宵旰其勤食不遑尊祖敬天郊  
祀潔褻忠教孝誥綸芳金根車導 慈宮駕花萼樓張  
大被牀號錫雲初分宅院恩周公族衍天潢小廉大法  
仍交薦武達文通並一匡閣下爲霖兼作楫宮中端冕  
正垂裳岱宗首舉時巡典闕里躬承釋奠鄉東魯詩書  
崇俎豆紮陽禮秩配宮牆道源師表尊無上理窟人文

芙蓉航詩禳卷三

天笑集

四

遠不忘賢裔搜羅綿爵土通儒拔擢列珪璋後先膏澤  
盈三輔次第仁風播八荒乾健無私均雨露坤貞多利  
奠農桑蠲租東省援輸絳賑粟西京許發棠直爲閭閻  
嘗疾苦急投藥石活膏肓法繩重辟輕疑宥課督新逋  
舊緩償雞釋囚歸矜滌蕩魚惟牧夢兆豐穰刑清司寇  
頻停獄戶廣窮黎屢給糧軫念淮流通沃衍遂令河帶  
決渾黃 鑿輿閱視高低限 睿慮經營上下防春水  
江南經六幸画船吳下泛千行圖成耕織忻觀俗績奏  
隨刊切省方翠蓋雲濤迎赤鯉繡帆風柳送黃鶯懷柔  
河嶽虔封告呵護神祇肅裸將木石有靈咸翼戴海山  
何路弗梯航粵稽我武初揚烈歷見羣兇幾降殃大閱

大蒐爛射御如飛如翰鼓鋒鉞斬蛇巨澤寧埋劍逐鹿  
中原未破浙討逆旌旄窮穴鼠通神弧矢注天狼附庸  
別部驕逾蠢作鎮強藩老更任干羽兩階苗勿格貔貅  
百隊戟斯張稱雄抗詔嗤東粵據險辜恩笑夜郎閩海  
偏裨誇蠆尾滇池小敵快臬腸最噴漠北含沙蜮詎數  
荆南逞臂螳猾過升孫窺虎拜狡如脫兔顧鷹揚巢林  
鳩舌蠻煙遜伏莽狐踪毒霧藏九伐大張陳禁旅六師  
親總飭嚴裝明霆赫怒宣形綽竒策陰行授錦囊方叔  
韓侯都上將趙厥劉闢比披冠南標銅柱章神武東指  
樓船掃獬狷電閃兜鍪沿兩浙雲屯檣櫓撼三湘宵烽  
混竈紅深淺午檄傳鈴響頡頏蘆水風雷驚似火天山

英航詩禎卷三

天笑集

五

刁斗冷於霜折梅驛黯吹笳咽細柳營嚴擊鼓鏜星聚  
羽林環壁壘枚銜鐵騎靖樓槍鯨觀餘孽終銷膽鼉窟  
遊魂竟溢吮溪涸更追潛海鱷叢深還縛觸籬羊關中  
鐵券降仍赦塞上饒歌醜自戕自古不臣尊詔令極邊  
新版繕城湟獻俘不伐懽歌凱恤難從優痛被創羅鳳  
設官饒菽帛烏斯闢藏貢瓊琅止戈春麗螭頭上捲旆  
秋清豹尾旁共沐昇平蕃草木竚看保障固金湯勳高  
淮蔡 天威振賞渥汾陽 帝賚彰治定功成文教布  
禮明樂備 聖謨洋經筵稱職研墳索史館遴才核典  
常義畫箕疇淵鑑秘漢官唐制折衷詳國書精譯垂金  
薤性學微探噉王漿數是曆原區髮黍律爲樂本辨笙

簞陰陽生隔調清濁勾股方圓竿渺茫學貫天人羅萬  
架文昭雲漢貯三倉瑤函石室宸章燦鍊畫銀鈎

御墨香製序汗青光豹炳賜箋飛白勢鸞翔樓臺合璧

聯珠句宮殿瞻雲就日坊八法正宗凌楮薛五言新體

厭齊梁周情孔思元音古禹鼎湯盤寶訓莊會典成書

頒渙汗宮懸盡美著明良羹調化育鹽梅洽器制中和

磬管鏘象德象功陳太廟來王來享奏明堂衢歌巷說

忘耕鑿華祝嵩呼愛拜颺位正飛龍踰大衍歲逢週

甲紀昭陽荷茲純嘏申祺考集彼休徵俾熾昌運轉一

元包太極春迴三月應無疆扶鳩遞進雙禾穗獻雉遙

瞻九節菖朱草紫芝孚識緯白麟赤雁萃禎祥黃冠採

芙航詩頌卷二

天笑集

六

藥蓬山到貝葉生蓮竺國禳賜宴鸞班雍劍珮陳詩鶴

禁富縑緗西池宴早尊長樂南極星輝養上庠達孝謁

陵思穆穆光謙辭號語煌煌特頒宏詔殊常格徧被

隆恩首大綱旋諭春官忙闡籲故教士子喜騰驥珊

瑚網得新枝秀棫樸儲來老幹蒼六合珠淵爭放媚七

葉奎井總生光敢方擲地詩曹謝雅羨談天賦馬揚夢

鳥才枯蠹欲測雕蟲技末海難量樂章小雅陪笙瑟元

氣斯文樹廟廊平地成天萬年壽後今前古一吾

皇絲綸世職三花筆草莽今充五色場長律七言賡百

韻小臣九拜祝千觴

曉發句曲

雲來華陽峰兩氣乃東降客步逐磨驢陳迹踏村巷愴  
之本非癡仲宣或傷驚一洗冰炭腸巖花滿山絳

癸巳二月十五夜題號舍壁二首

五十餘年荷 聖明躋堂尊酒頌昇平南山獻瑞開昌  
運北斗騰光徹太清柳暗石城邀社燕花明上苑囀春  
鶯文章衣鉢清時振好借青梯到王京

九天珊瑚集羣賢耕筆應無老研田鵬翮健時爭要路  
馬羣空處著先鞭春雷江國傳新榜秋雨秦淮感昔年  
最愛石榴雙結子後塵追上大羅天

寒食

陰晴醞釀薄寒天水郭山村有墓田啼鴉聲聲酸楚甚

笑航詩櫛卷二

天笑集

七

野棠花冷夕陽煙

谷堂霜露死生情今古春魂并結成松頂花黃原草綠  
紙錢風滾作空聲

落花

并序

石刺東坡先生詩二十首不載本集余愛其詞意  
閑遠追次原韻十首

春心多少寄花叢三月江南點綴工迷入漁郎身未返  
散將天女色爲空暗消粉氣迴芳信慣引紅情遞曉風  
南浦年年添別怨綠波春草泣文通

牋借春陰浥露濃妬花風急爲誰容色將衰後慚啼鳥  
心到傷時怯釀蜂三徑癡雲浮鬢歷半簾狂雨濕蒙茸

應知陌上尋芳侶猶戀餘香駐短筇

纔撲簾櫳上小牕天涯處處受風降村遙遞作移春檻  
溪漲渾成濯錦江黃口弄香調个个烏衣分艷剪雙雙  
東鄰顧影還相弔盡撥銀箏倒玉缸

風輕差覺舞遲遲莫訝飄零赴水涯笑買紅樓千點淚  
愁埋青塚十分癡心知過去還勾夢眼見飛來且入詩  
多事春江逞顏色可憐牽惹任游絲

崔家女伴惜芳菲空乞星幡帶露歸慚和柳綿飄繡闥  
甘隨萍葉點漁磯終朝碧樹當牕暗一夜青蕪著地肥  
罷舞山香水流急曲終餘韻裊金徽

春倩獅留或有諸山童何事掃庭除香微猶引牆邊蝶  
粉墜還欺水面魚刺眼繁華知是幻到頭身世竟成虛

芙蓉詩禎卷三

天笑集

八

九衢狼籍都如此靜掩柴門護草廬

拾翠人來興不孤如雲踪跡亂長途三春綠野仍蝴蝶  
幾樹黃陵又鷓鴣趙后欲隨揚袖去石郎曾省墮樓無  
東風恩怨知誰主驅使狂心亦有吾

王孫歸馬錦翻號柳市花車望眼低綠葉樓臺深苑北  
紫雲溪谷冷峰西閣名重茵翠暖烏龍卧細雨昏寒謝豹

嘯也爲園林傷寂寞泥人香夢散春堤

故枝羞上委空堦十二珠樓景自佳銜入燕泥沾画棟  
捕來蛛網弔花牌難憑告訴捐春恨無復商量滯酒懷  
徒向藥闌尋得句薄情端只是吾儕

惜花猶苦送春回一帶虛廊翠作堆月影消殘人跡靜  
風香牽亂漏聲催愁驚江畔青衫淚慚謝宮庭紅葉媒  
寸寸心灰花事了笑他深鎖不曾開

答方榕

伏驥應無困草萊故人樽酒共徘徊半生刺眼愁非伴  
萬卷撐腸苦費才乞巧尚緣愚觸罪送窮端爲命嗚哀  
舒懷爛醉山村去莫使心香化作灰

次韻曹南岷海棠花下見贈

露章曾乞護春雲冶葉倡條盡日醺釀熟金醅消晝永  
睡餘銀燭照宵分輕風燕剪當牕亂細雨鶯簧隔樹聞  
莫爲尋芳嗟綠葉揚州魂夢杜司勳

笑航詩韻卷三

天笑集

九

送方伯盧公舜徒先生之任滇南兼懷二兄方

平

帝眷蠻鄉政蹟留江東廉填又經秋九重膏雨看新

詔萬里河山記舊遊直憫吳民難借寇還欣仲氏復依

劉

兄令定邊爲  
先生舊屬

先生活國封章在嚴毅家風續陝州

白雲渡四時歌

寒雨著花滴翠野雲壓樹拖藍牕開楊柳深處春水鴛  
鴦夢酣

柔綠挂空煙影團紅密布晴光笛弄月魂黯黯蘋花隔  
水分涼

浮媚遙山掃碧靜流平過溪橋日落亂鴉點點夜闌絡

緯蕭蕭

雪影洗花一面冰聲裂帛千條溪路風尖入骨野梅寒  
蕊香消

花影七章韻用沉香亭北倚闌干句

當花月上悄沉沉瘦骨支離夜夜心背面春曉羞入鏡  
下堦移過小牕陰

簾外輕風送暗香淡煙籠住早春光蝶魂何處勾花夢  
一霎飛紅亂粉牆

天然墨本裊亭亭瑣碎勻鋪展画屏牕外有聲驚燕子  
睡枝風細憂花鈴

香味都消空是色六如亭子曾相識分明眼底忽天涯

笑航詩櫛卷三

天笑集

十

不在山南與山北

水面昏黃花卧起游魚空啖春潭裏溶溶烏背濕團光  
雙立風條倦相倚

慣引詩魂趁酒闌曉來滅跡五更殘可憐羣王山頭種  
遷置牆東不忍看

書牕無計護輕寒屏角燒燈紙帳看絕勝鑑湖三五夜  
月搖疎影渡方干

秋懷

秋心何自答春暉銘骨還憐寸草微會有人占烏鵲喜

山谷詩慈母  
每占烏鵲喜

竟何時見白雲飛半生苦讀潛夫論他日驚看  
遊子衣頻過高軒知截髻草堂新饌螯蟹肥

北鴻迢遞隔鄉關，健翮排風閭閻間。  
八桂新枝分月戶，五雲淑氣傍天顏。  
殊恩拔擢於君渥，宿業消磨似我慳。  
每到西陽憐隻影，松楸霜色冷青山。

洱海迷雲天盡頭，生涯辛苦幾經秋。  
倚閭此夜三更夢，縫綫當年萬里愁。  
堂上故巢悲雀處，門前小沼羨魚遊。  
灌園負米慚予拙，花下潘輿竟日留。

十分情事百年思，秋樹軒中獨坐時。  
寒蝶卸殘將墜粉，鷓鴣棲穩未危枝。  
心違外物從人諒，語帶商聲任我癡。  
早駕輕航嘯江月，蘆花風裏釣竿絲。

桂華曲贈于二元士

廣寒宮中修月斧，誰能擊之踏天舞。  
割雲高斫連蜷枝，

笑航詩禪卷二

天笑集

十一

金粟飄空發香古，酒徒招飲淮南遊。  
扳援一幹丹心抽，湘濱爛醉乘桂舟。  
團光濕樹披香秋，凌波金殿新開宴。  
曲江秋早羣花倩，瓊霞風送會鸞獨。  
秀壽靈香四面，衆仙同日集大羅。  
憎此狡獪欺姮娥，人間應有桂花落。  
三五六夕清光多。

東郊追輓香草胡先生

先生竟作長離別，風雅吾鄉有幾人。  
蜀客醉來眠采石，楚魂歸去老湘濱。  
王樓綵筆生前夢，茅屋秋風死後貧。  
日暮荒墳碑卧影，可憐香艸沒荆榛。

贈毛期躬

壯年辛苦泣途窮，餬口文章抵死工。  
痛爾避人誇孝子，

大蘇詩廢一燈中

期躬有壽  
昌之孝

謁文靖公龜山先生祠

讀書有奇志伊洛得幽闢抽此萬古心一線綿遠脈師  
門達精誠拱立雪深尺南來授遺經翼道振兩翮學窮  
言外言理究畫前畫胸境摩鯨鵬詎苦龜巢窄城東開  
講堂風月在几席道南成荒墟絕續慨今昔蒼藤棄古  
瓦沿革匪朝夕正學漸人心祠屋復奚益譬諸峴山碑  
應無不朽石元氣撐空雲上下渾一碧後裔有遺愛諸  
生罕親炙夫誰仰高山悵望森森柏

題潘長卿先生小照

涉江採香蘭南山隔煙樹曳杖扶桑東浮雲自來去

芙航詩禪卷三

天笑集

十一

情同晉彭澤名接漢相如寂寂松石間誰歟授素書

芙航詩禪卷三

10238

